

भले भवानी चान्दन री रे,
चौदस ने माँ ब्राह्मणी माता,
चौदस ने बाजा तो चित्तौड़ बाजिया ओ ॥

भले भवानी ही थारा ने सेवकिया,
हमी राज भवानी
थारा ने सेवकिया मंदिर में,
वाटा जोवता ओ जियो,
भले भवानी चान्दण री रे,
चौदस ने माँ ब्राह्मणी माता,
चौदस ने बाजा तो चित्तौड़ बाजिया ओ ॥

भले भवानी हमी चित्तौड़ री,
धरती पे ये ब्राह्मणी माता,
चित्तौड़ री धरती पे,
माँ ब्राह्मणी रो देवरो ओ जियो,
भले भवानी दूर रा ने देशा रे राज भवानी,
दूर रा देशा रे,
आवे घना नर मानवी ओ जियो ॥

भले रे भवानी हमी थारा रे,
मंदिरया में राज भवानी,
थारा तो रे मंदिर में भोपा तो,
वाटा जोवता ओ जियो,

भले भवानी हंस री रे असवारी,
ओ राज भवानी,
हंस री रे असवारी,
अरे आवो ब्रह्मणी मावड़ी ओ जियो ॥

भले भवानी ढोल ने ये,
नगाड़ा बाजे राज भवानी,
ढोल ने ये नगाड़ा बाजे,
मंदिर माय ने ओ जियो,
भले भवानी नव रे रात्रि में,
वेगा आवो राज भवानी,
नव रे रात्रि में वेगा आवजो,
गरबे तो रमजो आय ने जियो ॥

भले भवानी हमी थारा ने,
पुजारी ये ब्रह्मणि माता,
थारा रे पुजारी मंदिर में,
करता आरती ओ जियो,
भले भवानी भक्ता री,
हितकारी ये राज भवानी,
भक्ता री ये हितकारी,
आवो ब्रह्मणी मावड़ी ओ जियो ॥

भले भवानी हमी माली भुरजी,
थाने पूजे ओ ब्रह्मणि माता,
माली रे भुरजी थाने पूजे,
कानजी कहिजे लाडला ओ जियो,
भले भवानी दीपोनी परिवार,

थाने ध्यावे राज भवानी,
दीपोनी परिवार थाने ध्यावे,
गहलोत वंस थाने पूजता ओ जियो ॥

भले भवानी चान्दन री रे,
चौदस ने माँ ब्राह्मणी माता,
चौदस ने बाजा तो चित्तौड़ बाजिया ओ ॥

गायक श्याम पालीवाल जी ।
भजन प्रेषक श्रवण सिंह राजपुरोहित ।
सम्पर्क +91 90965 58244

Source: <https://www.bharattemples.com/bhale-bhawani-chandan-ri/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>